



Broj: 07-11-1208/23

Datum: 04.07.2023. godine

Na osnovu člana 70. stav (3) Zakona o javnim nabavkama ("Službeni glasnik Bosne i Hercegovine" broj: 39/14 i 59/22), člana 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), člana 200. Zakona o upravnom postupku ("Službene novine Federacije BiH" br. 2/98 i 48/99), a na prijedlog Komisije za javnu nabavku roba, usluga i radova, Općinski načelnik d o n o s i

O D L U K U **o izboru najpovoljnijeg ponuđača**

I

Za najpovoljnijeg ponuđača za javnu nabavku usluga: „Pružanje usluge na hortikulturnom uređenju kružnih tokova, javnih zelenih površina, mostova i nabavka metalnih uložaka za postojeće parkovske korpe“, po provedenom otvorenom postupku javne nabavke izabran je sljedeći ponuđač:

GREEN SERVIS d.o.o. Sarajevo **sa ukupnom cijenom od 55.500,20 KM**

(slovima: pedesetpethiljadapetstotina i 20/100 konvertibilnihmaraka) bez uračunatog PDV-a, odnosno 64.935,23 KM (slovima: šezdesetčetirihiljadedevedestotinatridesetpet i 23/100 konvertibilnihmaraka), sa uračunatim PDV-om.

II

Za izvršenje ove Odluke zadužuje se Služba za komunalne poslove Općine Vogošća.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Vogošća, Ul. Jošanička 80., 71320 Vogošća ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav a) do d) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača, s tim da datum izdavanja dokumenata ne smije biti nakon datuma podnošenja ponude.

IV

Odluka o izboru najpovoljnijeg ponuđača objavit će se na web stranici www.vogosca.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke Općinskog načelnika broj: 07-11-1208/23 od 08.06.2023. godine.

Procijenjena vrijednost javne nabavke bez uračunatog PDV-a je: 55.555,56 KM (slovima: pedesetpethiljadapetstotinapedesetpet i 56/100 konvertibilnihmaraka).

Obavještenje o javnoj nabavci broj: 1353-1-2-121-3-109/23 od 08.06.2023. godine, poslano je na objavu na Portal javnih nabavki.

Komisija za javnu nabavku roba, usluga i radova imenovana je Rješenjem Općinskog načelnika broj: 02-04-364/23 od 28.02.2023. godine.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu jedine prispijele ponude, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda Komisije za javnu nabavku je vidljivo da je dana 03.07.2023.godine, pristigle ponude slijedećih ponuđača:

Redni broj	Naziv i sjedište ponuđača
1.	EKO CENTAR GS d.o.o. Srebrenik
2.	GREEN SERVIS d.o.o. Sarajevo
3.	ALBA ZENICA d.o.o. Zenica

Iz Zapisnika o pregledu i ocjeni ponuda Komisije za javnu nabavku roba, usluga i radova je vidljivo da se Komisija sastala dana 03.07.2023.godine u 17⁰⁰ sati, radi pregleda i ocjene prispijelih ponuda, te je konstatovala slijedeće:

a) Prihvatljiva ponuda

Ponuda ponuđača GREEN SERVIS d.o.o. Sarajevo je prihvatljiva jer ispunjava kvalifikacione uslove (lična sposobnost, sposobnost za obavljanje profesionalne djelatnosti, te tehničke i profesionalne sposobnosti) zahtjevane u tenderskoj dokumentaciji.

b) Nepravilne i neprihvatljive ponude

Neprihvatljiva je ponuda ponuđača **ALBA Zenica d.o.o. Zenica** jer iznos ponuđene cijene od 71.251,87 bez uračunatog PDV-a, prelazi planirana, odnosno osigurana novčana sredstva ugovornog organa predviđena za realizaciju predmetne javne nabavke (planirana/osigurana sredstva iznose: 55.555,56 KM bez uračunatog PDV-a).

Nepravilna je ponuda ponuđača **EKO CENTAR GS d.o.o. Srebrenik** jer je ponuđač na stranama: 4, 5 i 10 imao ispravke unosa hemijskom a koje nisu potvrđene potpisom ponuđača, uz navođenje datuma ispravke, a kako je zahtijevano tačkom 8.1.14. tenderskog dokumenta kojim je propisano kako slijedi: „Ispravke u ponudi moraju biti izrađene na način da su vidljive. Ispravke moraju biti potvrđene potpisom ponuđača, uz navođenje datuma ispravke.“

U skladu sa naprijed navedenim ponude ponuđača: ALBA Zenica d.o.o. Zenica i EKO CENTAR GS d.o.o. Srebrenik, se kao takve nisu mogli uzeti u dalje razmatranje.

Komisija za javne nabavke je izvršila analizu cijene potpune ponude, te konstatovala da ponuda ponuđača GREEN SERVIS d.o.o. Sarajevo sadrži računsku grešku, po jediničnoj cijeni, a koja se odrazila i na ukupnu ponuđenu cijenu navedenu u ponudi, i ista treba da iznosi: 55.500,20 KM bez uračunatog PDV-a, a ne 55.525,20 KM bez uračunatog PDV-a.

U skladu sa odredbama člana 9.5.1 tenderske dokumentacije ponuđaču je poslano obavještenje o ispravci računске greške, što je ponuđač prihvatio i u zahtijevanom roku dao svoju pismenu saglasnost za ispravku.

Kriterij za dodjelu ugovora je najniža cijena.

Rangiranje prihvatljivih ponuda prema kriteriju za izbor ponude:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
------	-------------------------------	------------------------------	--------	-----------------------------------

1	GREEN SERVIS d.o.o. Sarajevo	55.500,20	/	55.500,20
---	------------------------------	-----------	---	-----------

Ne postoji sumnja u neprirodno nisku cijenu najpovoljnije ponude.

Komisija za javnu nabavku roba, usluga i radova jednoglasno je predložila Općinskom načelniku da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača GREEN SERVIS d.o.o. Sarajevo, čija ponuda je ocijenjena kao najpovoljnija, na osnovu kriterija „najniža cijena“, u ukupnom iznosu ponude od 55.500,20 KM (slovima: pedesetpethiljadapetstotina i 20/100 konvertibilnihmaraka) bez uračunatog PDV-a, odnosno 64.935,23 KM (slovima: šezdesetčetirihiljadedevedestotinatridesetpet i 23/100 konvertibilnihmaraka), sa uračunatim PDV-om i da se ponuđaču GREEN SERVIS d.o.o. Sarajevo dodijeli Ugovor.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Odluka o izboru najpovoljnijeg ponuđača donesena jednoglasno, u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08- 02-2-8303-1/14 od 09.10.2014. godine.



OPĆINSKI NAČELNIK

Migdad Hasanović
Migdad Hasanović

Izradila: Jasna Salihović

Jasna Salihović

Kontrolisala: Melisa Kršo

Melisa Kršo

DOSTAVITI:

- EKO CENTAR GS d.o.o. Srebrenik
- GREEN SERVIS d.o.o. Sarajevo
- ALBA ZENICA d.o.o. Zenica
- Nadležnoj Službi
- a/a